

פרק עב

א לשלמה | אלהים משפטיך למלך תגן וצדקתך לבן-מלך:
ב ידיו עמה בצדק וענייה במשפט: ג ישאו הרים שלום
לעם וגבעות בצדקה: ד ישפט | עניי-עם יושיע לבני אביון
וידבא עושק: ה ייראוף עם-שמש ולפני ירח דור דורים:
ו ירד כמטר על-גזו כרביבים זרזוף ארץ: ז יפרח-בימיו
צדיק ורב שלום עד-בלי ירח: ח וירד מים עד-ים ומנהר
עד-אפסי-ארץ: ט לפניו יכרעו ציים ואיביו עפר ילחכו:
י מלכי תרשיש ואיים מנחה ישיבו מלכי שבא וסבא
אשכר יקריבו: יא וישתחוו-לו כל-מלכים כל-גוים
יעבדוהו: יב כי-יציל אביון משוע ועני ואין-עזר לו: יג יחס
על-הל ואביון ונפשות אביונים יושיע: יד מתוף ומחמס
יגאל נפשם וייקר דמם בעיניו: טו ויחי ויתן-לו מזהב שבא
ויתפלל בעדו תמיד כל-היום יברכנהו: טז יהי פסת-בר |
בארץ בראש הרים ירעש כלבנון פריו ויציצו מעיר כעשב
הארץ: יז יהי שמו לעולם לפני שמש ינין [ינון] שמו
ויתברכו בו כל-גוים יאשרוהו: יח ברוך | יהוה אלהים
אלהי ישראל עשה נפלאות לבדו: יט ובָרוך | שם כבודו
לעולם וימלא כבודו את-כל-הארץ אמן | ואמן: כ כלו
תפלות דוד בן-ישי: